



UDALAREN ERAKETA AKTA

Parte hartzen duten zinegotziak:

BILDU talde politikoko hautatuak:

Azeari Sumakila Andonegi Beristain
Kepa Goenaga Alicostes
Haizea Mendia Iztueta
Andoitz Garmendia Zubeldia
Maialen Aldasoro Aramburu
María Aranzazu Bengoa Gorosabel
Urtzi Iruin Arruti

EAJ talde politikokoak:

Patxi Mirena Albisu Estensoro
Ana María Irastortza Izagirre
Ignacio Estensoro Esquisabel
María Milagros Madrazo Rada
Félix María Urkola Iriarte

PSE-EE(PSOE) talde politikokoa:

Juan Manuel Serna Portugal

Lazkaoko Udaletxeko Areto Nagusian, bi mila eta hamaikako ekainaren hamaikako goizeko hamaikatan bildu dira lehen deialdian, joan den maiatzaren hogeita biei egindako udal hauteskundeetan aukeratuak izan eta alboan zerrendatuta agertzen diren zinegotzi hautatuak.

Idazkari lanetan Lazkaoko Udalaren idazkari den Iñaki Eskisabel Zurututzak dihardu.

Idazkariak adierazten du batzarraldi honen helburua Udalaren eraketa dela, horrela martxoaren 13ko 8/1991 Lege Organikoak aldatutako Hauteskunde Orokorretako Lege Organikoaren 195.1 artikuloa eta Udal Korporazioetako Antolakuntza eta Funtzionamenduari buruzko Erregelamenduari buruzko 37.1 artikuloa agindutakoa betetz, ondoko gai zerrendaren arabera:

- Korporazioa eratzea.
- Alkatea aukeratzea eta karguaren jabe egitea, kasua balitz.

Idazkariak batzarraldiari hasiera eman ondoren, Adineko Mahaia osatzen da, martxoaren 13ko 8/1991 Lege Organikoak aldatutako Hauteskunde Orokorren Erregimenari buruzko ekainaren 19ko 5/1985 Lege Organikoko 195.2 artikuluan aurrikusitakoa betetz. Mahai hori María Milagros Madrazo Rada zinegotziak burutzen du, zinegotzi zaharrena izateagatik eta Haizea Mendia Iztueta izango da zinegotzi gazteena denez Mahaiko beste partaidea. Idazkari gisa berriz Udalarena den Idazkariak jardungo du.

Mahaiko idazkariak alde aurretik berari entregatutako kredentzial guztiak banan banan irakurtzen ditu, zinegotzi hautatuen nortasuna kreditatzen dutenak, eta Mahaikideek kredentzial horiek egiaztatu ondoren, Eskualdeko Hauteskunde Batzordeak Udaletxe honetara bere garaian bidali zituen ziurtagiriek bat datozela ikusten da.

KORPORAZIOAREN ERAKETA.-

Aurreko operazioak egin ondoren eta kontuan izanik batzarraldi honetara hautatuak izan diren zinegotzi guztiak etorri direla, hau da, gehiengo absolutu legala, Adineko Mahaiko Buruak karguaren jabetza ematen die zinegotzi hautatuei, alde aurretik legezko tramite guztiak bete ondoren eta Korporazioa formalki eratua aldarrikatzen du.



ALKATEA AUKERATZEA.-

Idazkariak bertan daudenei adierazten die martxoaren 13ko 8/1991 Lege Organikoaren bidez aldatutako Hauteskunde Orokorren Erregimenari buruzko ekainaren 19ko 5/1985 Lege Organikoaren 196 artikuluan xedatzen denaren arabera, Korporazioa eratu den batzaraldi berdinean aukeratu behar dela alkatea ere, lege horretan ezarritako prozedurari jarraiki:

- Hautagai, zerrendaburu diren zinegotzi guztiak dira.
- Hautesle bertan dauden zinegotzi hautatu guztiak dira.
- Aukeraketa txartel sekretu bidez egingo da, botazio bakarra eginez.
- Botuen legezko gehiengo osoa lortzen duen hautagaia izango da hautatua, beraz, gutxienez 7 botu beharko dira.
- Botazio honetan gehiengo osoa hautagaletako inork lortzen ez badu, automatikoki, botu kopururik handiena lortu duen zerrendako buru den zinegotzi hautatua aldarrikatuko da alkate. Berdinketa gertatuz gero, zozketa bidez ebartziko da.

Txosten honen ondoren eta gai honi buruz ditugun aurrekinetan oinarrituz, ondoko zinegotzi hautatuak izendatzen dira alkategai:

Azeari Sumakila Andonegi Beristain, BILDU alderdiko zerrendaburu dena.
Patxi Albisu Estensoro, EAJ alderdiko zerrendaburua dena.
Juan Manuel Serna Portugal, PSE-EE (PSOE) alderdiko zerrendaburu dena.

Idazkariak zinegotzi bakoitzari txartel zuri bat ematen dio, txartel bakoitzean Alkate-tarako bozketatzen duen zinegotziaren izen-deiturak jarri behar dituela eta txartela tolestata entregatzeko adieraziz.

Guzti honen ondoren izkutuko bozketari ekiten zaio.

Behin txartel guztiak jaso ondoren, botuen kontaketa egiten da, honako emaitzarekin:

Azeari Sumakila Andonegi Beristain zinegotzia, 7 botu
Patxi Albisu Estensoro zinegotzia, 5 botu
Juan Manuel Serna Portugal zinegotzia, botu 1

Botazio honen emaitza ikusirik, Azeari Sumakila Andonegi Beristain zinegotzi hautagaia aldarrikatzen da Udal honetako alkate, hautagai hau izan delako botuen legezko gehiengo osoa lortu duena.

Jarraian, Azeari Sumakila Andonegi Beristain zinegotzi hautatuak Udal honetako Alkate kargua onartu egiten duela adierazten du eta, hauteskunde legeriak ezarritako formularen arabera betekizunak egin ondoren, karguaren jabetza hartzen du edukitza hau ematen dion korporazio osoaren aurrean, edukitza horrek barnean hartzen dituelarik indarrean dauden xedapenek ematen dizkioten prerrogatiba, eskubide eta obligazio guztiak.



Ondoren, Idazkariak Udal Batzarrari adierazten dio eta hau jakinaren gainean gelditzen da, zinegotzi hautatu guztiek egin dutela ondare ondasunen aitortpena.

Era berean Idazkariak Udal Batzarrari adierazten dio eta hau jakinaren gainean gelditzen da, zinegotzi hautatu guztiek egin dutela dagokien balizko bateraezintasun kausei eta jardueri buruzko aitortpena.

Jakinazten du, baita ere, aitorten horiek inskribatuak izan direla horretarako gaitu diren Erregistroetan.

Alkateak kargu hartzearen inguruko hitzaldia egiten du eta ondoren beste inork ezer esateko baldin badu esateko gonbitea egiten du.

Madrazo zinegotziak (EAJ), Bildu osatzen duten guztiei zorionak ematea beste esatekorik ez duela esaten du.

Eta beste inork ezer esatekorik ez duenez, alkateak amaitutzat ematen du udal korporazioaren eraketa ekitaldia bertaratu diren guztiei eskerrak emanez, eta batzarraldia akta honen buruan esandako egunean goizeko hamaikak eta laurdenetan bukatzen da, nik, idazkariak, guztiaren akta jaso eta ziurtatzen dudalarik.

